

SAKSPAPIR

Saksnr	Utval	Type	Dato
052/18	Levekårsutvalet	PS	16.10.2018

Saksbehandlar	ArkivsakID
Eileen M Feste	17/2023

Kulturmidlar - hausttildeling

Vedlegg :

Lindås Kulturråd - uttale fordeling kulturmidlar resttildeling 2018 (3)Hausttildeling 18 -
LEVEKÅRSUTGAVE

Rådmannen sitt framlegg til vedtak

Levekårsutvalet vedtek rådmannens sitt framlegg om tildeling av kulturmidlar –
hausttildeling.

.....

Levekårsutvalet - 052/18

LE - behandling:

Orientering til saka v/Eileen Feste-sakshandsamar Kultureininga
Revidert oversikt over tildeling av kulturmidler vart utdelt i møte.

Framlegg frå Asle Hetlebakke-Krf:

Lindås kommune vedtek rådmannen sitt framlegg om tildeling av kulturmidler med følgjande endringar:

- Nordhordland Kunstlag får kr. 7.500,-
- Stine Karin Sæle får kr. 3000,- i underskotsgaranti.
- Kløvheim skulekorps får kr. 23.000,-
- Kjersti Wiik får kr. 6000,- i underskotsgaranti.

Framlegget vart samrøystes vedteke.

LE - vedtak:

Lindås kommune vedtek rådmannen sitt framlegg om tildeling av kulturmidler med følgjande endringar:

- Nordhordland Kunstlag får kr. 7.500,-

- Stine Karin Sæle får kr. 3000,- i underskotsgaranti.
- Kløvheim skulekorps får kr. 23.000,-
- Kjersti Wiik får kr. 6000,- i underskotsgaranti.

Saksopplysningar:

Politisk handsaming

Saka skal avgjerast i Levekårsutvalet

Bakgrunn

Levekårsutvalet har løyvd kr 2.337.600 til kulturmiddelføremål i 2018.

I sak «031/18 - Kulturmidlar 2018 – hovudtildeling», vart det løyvd kr 2.215.030 til ulike kulturføremål i regi av lag/foreiningar.

Kr 122.570 er avsett til hausttildelinga. I rådmannens forslag er det løyvd kr 122.900.

Vurdering

Då frist for å søke kulturmidlar utløp 01. september, var det kome 21 søknadar til hausttildelinga. Ei av søknadane frå Amcar Nordhordland, vart registrert i mars 2018. Ved ein feil kom ikkje søknaden til behandling i Levekår i mai 2018 «sak 31/18 kulturmidlar 2018 – hovudtildeling». Laget har fått informasjon om at søknaden blir behandla i oktober 2018 i samband med hausttildelinga.

Det er ønskeleg at frivilligheit i Lindås, Meland og Radøy finn saman med tanke på nye Alver kommune. Alversund mållag og Meland mållag sitt prosjekt er eit døme på slik samarbeid.

Lindås kulturråd har følgjande uttale datert 01.10.18;

Lindås Kulturråd ser positivt på forslag til tildeling og har ingen særskilte merknadar til fordelinga.

Igjen er det viktig at hausttildelinga går kun til prosjekt og ikkje investering og drift.

Vidare vil vi igjen påpeike:

- *Lindås kulturråd meiner det bør investerast i eit moderne dataprogram som gjer betre oversyn både for søkjar og sakshandsamar i desse sakene. Eit slikt dataprogram må leggjast opp til at det kun er mogleg med ein søknad frå kvart lag.*

- *Slik det er i dag må sakshandsamar gjere mykje manuelt arbeid med innlegging av tal*

og tekst etc. Dette burde vore automatisk innhenta frå søknadsskjema. Vi vil foreslå at det vert sett ned ei gruppe for å sjå nærare på ein ny dataplattform for søknad og fordeling av kulturmidlar. Representantar frå Lindås kulturråd vil gjerne delta i ei slik gruppe.

Som nemnt i uttale på fordeling i åra før, bør den årlege støtta til kulturråd og idrettsråd vere ei fast løyving utanom kulturmidlane. Vi finn det ikkje riktig at desse tilskota skal figurera som kulturmidlar.

Løyvinga til dei to råda bør i utgangspunktet vere lik.

Kommentar

Lindås kulturråd peikar på fleire område som blir arbeid vidare med i Alver kommune prosessen, som t.d. ulike tilskotsordningar.

Amcar Nordhordland

Amcar Nordhordland har med ujamne mellomrom arrangert motorshow i Knarvik. Årets motorshow hadde tilbod i ulike bil genre som «klassisk», «sport» «driftebiler» og «fin bil». Arrangementet var ei familiearrangement med tilbod til barn og unge.

I søknaden var kostnadsramma kalkulert til kr 139.000. Inntekter er stipulert til kr 100.000. Rekneskapet synar at arrangementet har gått med ca kr 22-25.000 i underskot.

Haugatun samfunnshus

Haugatun samfunnshus søkjar midlar til å pusse opp inngangsparti i huset. Dette er ein søknad om investering og er føreslått avvist.

Linda Røyseth Sandhåland/Kjersti Wiik –«Syng saman – våre lokale barnesongtradisjon»

Linda Røyseth Sandhåland og Kjersti Wiik søkjar midlar til å kurse barnehagelærarar, lærarar på småtrinnet og andre interesserte slik at dei kan ta i bruk songtradisjonen i si yrkesutøving. Den lokale barnesongtradisjonen er ein viktig del av vårt kulturelle mangfald og vår kulturforståing.

Budsjettet er på kr 35.000. De søker Lindås kommune om kr 10.000 i tilskot.

Festkonsert for Magnar Mangersnes

Ein arbeidsgruppe beståande av aktørar frå musikkliv og kyrkjesamfunn i Nordhordland, har teke initiativ til Festkonsert i Knarvik kyrkje for Magnar Mangersnes. Mangersnes fyller 80 år 31. oktober. Han er fødd på Radøy og hadde ungdomsåra på Frekhaug. Han har organist i Meland kyrkje i si tid..

Mangersnes var tidlegare domkantor i Bergen domkyrkje, dirigent for Bergen domkantori og Bergen oratoriekor. Nordhordlandskommunane har også hatt stor glede og nytte av hans kyrkjemusikalske kompetanse både som

- orgelkonsulent for kyrkja m.a. Lindås kyrkje, Seim kyrkje og Myking kyrkje
- kurshaldar og inspirator for lokale kor m.a. Seim songkor, songkoret Alvidt/Manger og Alversund kammerkor

Konserten har ei kostnadsramme på kr 111.250. Det er stipulert eit underskot på ca kr 20.500.

Det vert søkt om underskotsgaranti.

I samtale 24.09.18 med arrangør, ble det opplyst at arrangementet vil gå i balanse.

Litlejulaftakonsert i Knarvik kyrkje 2018

Kjersti Wiik har skapt ei tradisjon med førjulskonsert litlejulaften. Det begynte i Alversund kyrkje, men er no eit arrangement i Knarvik kyrkja.

Kjersti har med seg proffe musikarar som Frode Skal Storheim, Tryggve Hellesen, Maria og Rebekka Eikefet m. fl. Også elevar frå Lindås kulturskule deltek i konserten.

Konserten har ei budsjettamme på kr 53.000. Inntekta er stipulert til kr 37.500 (150 personer).

Halloween 2018 i Nordhordlandshallen

Halloween er eit alternativ til «Halloween»-feiringa. Halloween party skal vere ein mogelegheit til å skape venskap.

Halloween er planlagt 31. oktober i Nordhordlandshallen. Det er eit religionsnøytralt arrangement sjølv om dei som står bak er knytt til ulike kyrkjesamfunn i lokalområdet.

Det er planar om å arrangere karneval og anna moro.

Inngangsbillett er rekna til ei øvre grense på kr 80 som skal dekke utgifter til mat, snop, utstyr og leige av Nordhordlandshallen. Om økonomien gir rom for det, vil inngangsbilletten setjas ned så lavt som mogeleg.

Arrangementet har ei kostnadsramme på kr 39.500. Inntekt er stipulert til kr 18.000.

Bokprosjekt «Fjelde – Liv og lagnad»

Lokalhistorikarane Vidar Lehmann og Ivar H. Eidsheim skreiv bok om den nedlagde fjellgrenda Fjelde i tidlegare Hosanger kommune, no Lindås kommune. Fjelde ligg i brattlend utmark i fjellområdet nord for Eikemo, Eikefet og Stor-Urdal i Indre Osterfjord. Før kyrkja i Vikanes kom, sokna grenda til Myking.

Motivet for å laga boka er eit ønske om å få fram i ljuset ei vel 350 år gamal soge om eit samfunn som i dette avsidesliggjande fjellområdet på det meste talde rundt tretti fastbuande. Boka skal vere på 125-130 sider der foto skal utgjere minst halve sidetalet.

Ivar Eidsheim jobba tidlegare i BKK med m.a. ansvar for eigedomen Fjelde. Det er BKK som i dag eig Fjelde. Lehmann er pensjonert lege/professor og har skreiv fleire lokalhistoriske bøker med tema frå gamle Hosanger, samt delteke aktivt i fleire prosjekt som t.d D/S Oster og bussprosjektet «Chevrolet 1927».

Boka er eit bidrag for å kartleggje og dokumentere lokalhistorie i Lindås.

Bokprosjektet har ei kostnadsramme på kr 108.200. Det er stipulert sal av 400 eksemplar av boka - kr 80.000.

Alversund kammerkor

Alversund kammerkor skal setje opp «Juleoratoriet» av Johann Sebastian Bach i Knarvik kyrkje. Julekonserten skal setjast opp i samarbeid mellom kammerkoret og 4 solistar og orkester. Alversund kammerkor har som mål å sleppe til unge musikarar i større og krevjande oppgåve. I år er det Maria Eikefet (29 år) frå Alversund som er konsertmeister og leiar for orkesteret, som er samansett av 2 musikarar.

Prosjektet har ei kostnadsramme på kr 147.500. Inntektene er estimert på kr 107.500.

Ytre Nordhordland demensforeining

Ytre Nordhordland demensforeining er tilslutta Nasjonalforeiningen for folkehelse, som har hjarte og demens som sine fagområde. Demensforeiningen blir drive av frivillige styremedlemmar og er samansett av pårørande og helsepersonell som representerer Lindås,

Radøy, Meland, Austrheim og Masfjorden kommune.

Mål for arbeidet er å skape større forståing for personar med demenssjukdom og deira pårørande, informasjon og rettleiing, gje tilbod om møtestad. Det blir også gjennomført pårørandekurs og samtalegruppe.

Siste onsdag i månaden arrangerer Ytre Nordhordland demensforeining aktivitetsskafé på Såtabu dagsenter. Dette er eit tilbod for yngre personar som er ramma av demens og deira pårørande. Dei arrangerer m.a. kulturaktivitetar og utfluktar.

Søkjar representerer frivilligheit innan helseomsorg.

Aktivitetsskafé har ei driftsramme på kr 15.000.

Søknaden står fram som ei søknad om driftstilskot. Ingen spesielle prosjekt/aktivitet er nemnt utover det som laget driv heile året.

Konsert med Maria Solheim

Stine Karin Sæle har teke initiativ til konsert med artisten Maria Solheim. Sæle har tilknytning til Knarvik kyrkje og samarbeider med Melandsokneråd og Alversund sokneråd. Det kommer ikkje fram av søknaden om kyrkjelydane bidreg økonomisk.

Konserten må selje 170 vaksenbilletter a kr 240 pr/bill for at konserten skal gå break-even.

Konserten har ei kostnadsramme på kr 38.000. Det vert søkt tilskot kr 10.000.

I samtale med arrangør 24.09., ble det opplyst at man ennå ikkje hadde oversikt over konserten, då det var nyleg arrangert. Utfrå ein forventning om antal billetter som var selt, kan det se ut som arrangementet går med underskot.

Rådmannen gjer framlegg om at underskotsgarant på inntil kr 6.000 kan bli gjeve.

Nordhordland pistolklubb

I samband med utebane ønskjer klubben å føra opp eit standplasshus med pauserom/opphaldsrom og våpen/ammunisjonsrom.

Dette er ein søknad om investering og føreslått avslått.

Lindås skyttarlag

Il prosjektskildringa heiter det «Drift av skyteanlegg og tilrettelegging for aktiviteter r våre barne- og ungdomsskyttare». Budsjettet er spesifisert med

1 ammunisjon

2 skytebekledning

Våpenutstyr

Skyteelektronikk/vedlikehald av desse

Dette er ein utstyrssøknad og er føreslått avslått.

Fritex ungdomsklubb

Fritex ungdomsklubb er ein klubb for ungdom frå 6.-10 klassetrinn, basert på frivilligheit. Klubben søkar tilskot til kjøp av discolys og lyseffektar.

Kostnadsramma er kr 15.000. Det vert søkt om kr 15.000.

Dette er ein søknad om investering og vert avslått. Søknaden vert sendt vidare til Ungdomsrådet.

Alversund mållag og Meland mållag

Alversund mållag og Meland mållag søker i samarbeid om tilskot til prosjektet «Edvard Grieg og målsaka». Tilskipinga er eit samabeidsprosjekt med Strilabiblioteket – biblioteka i Lindås og Meland.

Pianist Øyvind Aase har sett saman eit program som i ord og tonar løfter fram Edvard Grieg si sympati for målsaka på 1800-talet, i samband med 175 års jubileet for Grieg.

Tilskipinga siktar meir allment på å styrkja samarbeidet med andre kulturaktørar i det frivillige arbeidet i den nye Alver kommune.

Sopranen Melissa Baug, Håvard Gizendanner og Eilif Løtveit deltek i programmet.

Prosjektet har ei kostnadsramme på kr 38.000. Søknaden lyder på kr 7.500.

Alversund KM – Bli med ut

Alversund KFUK/KFUM speidargruppe blei etablert i 2008. I haust planlegg dei fleire utandørs overnattings aktivitetar. Målet er å bli kjend med naturen.

Søknaden har ei kostnadsramme på kr 23.800. Dei søker kr 10.000 i tilskot.

Oster Brass

Oster brass søker tilskot til å leige slagverk i forkant av Siddis Brass 2018. Det er viktig for korpset at slagverkarane og resten av korpset kan øve saman før tevlinga.

Kostnadsramme er kr 40.000. Dei søker om heile summen i tilskot.

Alversund skulemusikkorps

Alversund skulemusikkorps søker tilskot til nye notesett til julekonsert i Alversund kyrkje, korpskonkurransen Mangerfestival i november og avslutningskonsert for kulturdagane i Austrheim i oktober.

Søknaden har ei kostnadsramme på kr 12.000. Det vert søkt om kr 12.000 i tilskot.

Alversund musikklag

Alversund musikklag søker tilskot til ulike tiltak hausten 2018. Her kan nemnas rekrutteringsseminar, konsertar, samarbeid med Osterøy janitsjar, julekonsert Alversund kyrkje mm

Prosjektet har ei kostnadsramme på kr 32.000. Det søkjast om kr 30.000 i kulturmiddeltilskot.

Dette er ein søknad om drift og føreslått avslått.

Kløvheim skulekorps

Kløvheim skulekorps søker tilskot til ulike samlingar, konsertar, konkurransar mm.

Prosjektet har ei kostnadsramme på kr 48.500. Dei søker kr 48.500 i kulturmiddeltilskot

Lindås brass

Lindås brass søker tilskot til ulike samlingar, konsertar, konkurransar mm.

Kostnadsramma er kr 95.000. Dei søker tilskot kr 95.000.

Dette er ein søknad om drift og føreslått avslått.

Juvikstølen velforeining

Juvikstølen velforeining søker tilskot utstyr til grillhytte. Det søkjast midlar til elektrisk

varmeovn, ull tepper, beis til vedlikehald av hytta mm.

Kostnadsramma er kr 10.000. Det søkjas tilskot på kr 8.000.
Dette er ein søknad om kjøp av utstyr og føreslått avslått.

.....